

大學畢業已經過盡多年，共樣對師範大學畢業个朋友差毋多十過個，同儕感情較好，有兜做先生，有兜係工程師，也有兜繼續讀研究所、博士班个。雖然大家出社會以後，行無共樣个路，毋過，不變个係佬等个好感情，每一年走著會有人主動邀大家食飯，無就出去聚聯絡感情同分享大家个生活。歲數愈大，愈會試著朋友愈少，故所佬更加珍惜每擺聚共下打嘴鼓个機會。

有一年，有同學邀佬等去臺東聚，看著盡闊个太平洋，食等成功漁港个旗魚，還去多良車頭看火車駛過，這兜風景對佬等這兜「社會人士」來講，看著心情就好一半哩，上班个瘡也治好哩。日時頭就恁呢，振興臺東个經濟，到臨暗頭个時節，佬等就歸同學屋下，一個人款一項菜，有炒魷仔啦，蘿蔔排骨湯啦，鹹豬肉傍蒜仔，佬就負責煮家菜一臺絲炒大腸分同學試看阿家味縮。就恁呢，佬等就食等暗餐，共下打嘴鼓分享生活。

講著大家个頭路，實在都盡毋簡單，做軟體球銀市个同學，一日到暗愛應付人多个要求，出去聚个時節也盡輒打電話同家聯絡；做先生个同學就有四、五個，每擺就會討論新个108課綱改變以後，設計課程改作業，處理學生仔大細事情就無法度休息哩，做一個好先生也毋係簡單个事情，讀書个

同學要面對係一個人做研究，唔順利介話，該種煩燥个心情。毋過講成過後大家互相鼓勵，分享其它生趣个事情，嚟到流目汁，對佬等來講，就有繼續熱猛打拚个力量哩！

除或佬等食頭路个話是頁，因為大學佬等係地理系，故所佬等都蓋好出國索，每擺聚共下就會有分送紀念品个活動，像佬暑假个時節就去摸里西斯——一個非洲个島國，在馬達加斯加个東片。這個國家蓋趣妙，經濟發展係非洲最好个，頭擺識分法國同英國殖民過，法國英國將這個國家看做生產甘蔗个地方，請非洲島人來做事，毋過廢奴過後，島人大部分有歸家鄉，英國高不將用簽約个方式，聘請印度人來做事，故所印度人佔人口成持別个係，十八、十九世紀開始有蓋多廣東梅縣个客人到東南亞南非等地尋頭路同生个新天地，故所有兜梅縣客人就到模里西斯開始開雜貨店做生意，無就代理外國个東西賣，到今嘅開銀號開公司，這兜佔人口百分之3个客人，就變做這島國發展經濟重要个人物，就像佬等个財政部長朱梅鹿壽，用厥人脈同政商關係同香港、臺灣（中華民國）合作，轉型發展紡織工業，遠洋漁業基地个產業等等。

佬故事講到這，扛項拿等對模里西斯來个紅茶茶包同餅仔開始分送，續下來就換下一個人分享，佬蓋中意這種交流，佬等都做等瞭解世界上其它生趣个事情，就像搞遊戲

个時節，慢慢仔破開，解鎖世界个感覺。

毋過，這擺聚共下過後，就有人愛去外國讀書，也有人愛把握後生時節去打工換宿，每一個人个人生目標都毋共樣，故所係等坐在腦驚項講係等个未來規劃，下二擺全部人都到齊个機會會緊來緊少，講到這，大家就有息把仔毋盼得。突然間，一個同學大聲喊：「哎呀！毋使愁啦！這下个網路恁方便，打Line个電話又毋使錢。下二擺聚共下个時節，係等就打分外國个同學啲！」。講忒，大家正又笑呵呵。

眼看時鐘，時間到十二點半哩，係等就各自歸自家个間仔準備睡目，目sab'sab'个時節，係感受到一陣甚溫暖个感覺對係个心肝肚湧上來，感覺到這與對學生時節就熟識个好朋友，做得不管利益，真心个互相關心，講出自家心肝个煩惱，有人安慰，揸你一下，又繼續講嚟个朋友實在盡難得，「朋友情，一生人」，就講係同這兜朋友个關係。頭腦中開始回想出去祭个畫面，頭擺讀書共下搞个畫面，帶等這兜溫暖沉沉个睡落覺也！